



17. oktober 2023

UKA 2023/118

Arpattarfiit aammalu atletik atorlugu sungiusartarfiit allat nuna tamakkerlugu sananeqarsinnaaneriniq periarfissanik misissuinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut

(Inatsisartunut ilaasortaq Nivi Olsen, Demokraatit).

Inatsisartut suleriaasianni § 33 naapertorlugu aalajangiiffigisassatut siunnersuut, Siumumit ima oqaaseqarfigissavarput:

Naluneqanngitsutut Siumumi ilaasortaq Anders Olsen, Nunatta Inuiattut timersornikkut unammersuortarfigissaanut uunga assingusinnaasumik 2022-mi siunnersuuteqarnikuuvoq. Taannalu akuersissutigineqarnikuulluni, kisialli misissueqqissaarnerup takutippaa qanoq piumasaaqatit sakkortutigisut allaat Hotelitalernissaanut siunnertami eqqartorneqarluni.

Siumut isumaqarpoq siunnersuutigineqartoq pillugu misissuilluarnissamut pissutissaqartoq, suliasarluni taanna Siumup peqataaffigerusuppaa. Naalakkersuisut akissuteqaatiminni ilaatigut tikkuarpaat, inuunermut peqqinnarnerusumut innuttaasut suliniuteqarnerata nukittorsarnissaa siunertaralugu Naalakkersuisut aamma Kalaallit Nunaanni Timersoqatigiit Kattuffiata atsiogatigiissimasut. Atsiogatigiinneq aamma timersornermut atortorissaarutinik pioreersunik siunissamilu pisariaqartitsinerumut misissueqqissaarnissamik siunertaqartoq Naalakkersuisut allapput.

Siumumit Naalakkersuisut siunnersuummut tapersiinerat iluarisimaarparput. Aningaasalli atugassatut eqqartorneqartut, ilaatigut Naalakkersuisut namminneq amerlanerunissaanik oqariartuuteqarneranik imallit – Siumup naatsorsuutigaa Naalakkersuisoqarfiup pineqartup nammineq aningaasalersussagai.

Taamak oqaaseqarluta Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut suliap ingerlateqqinneqarnissaa innersuussutigaa.

Siumut sinnerlugu, Dines Mikaelson